



**Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisoq**

asn@nanoq.gl

Ulloq: 27-10-2023

J.nr.: 01.33.04-00012

**Inatsisinut Ataatsimiititaliamik ilisimatitsiffiusumik ataatsimeeqateqarnissamut aggeqqusisut**

Ulloq 1. november 2023-mi, nal. 14-15, ataatsimiittarfik Lars Chemnitzimi ilisimatitsiffiusumik ataatsimeeqatigiinnissamut Aatsitassanut Inatsisillu Atuutsinneqarnerannut Naalackersuisoq Inatsisinut Ataatsimiititaliamit matumuuna aggersarneqarpoq. Naligiissitaaneq assigiinngisitsinnginnissarlu pillugit Inatsisartut inatsisissaattut siunnersuutip kiisalu allannguutissatut siunnersuutip 27. oktober 2023-mik ullulerneqartup ilisimatitsiffiusumik ataatsimeeqatigiinnermi oqallisineqarnissaat ataatsimiititaliamit kissaatigineqarpoq.

Ataatsimeeqatigiinnissami siunertarineqarpoq:

- Inatsisissatut siunnersuutip ilusiligaaneranut tunngasut Inatsisinut Ataatsimiititaliamut saqqummiunneqarnissaat.
- Inatsisinut Ataatsimiititaliap malitseqartitsilluni apeqquteqarnissamut periarfissinneqarnissaa.
- Inatsisissatut siunnersuut oqartussanit sorlernit Namminersorlutik Oqartussanit saqqummiusitineqarsinnaanersoq pillugu Inatsisinut Ataatsimiititaliap nassuiaavigineqarnissaa.

Ilisimatitsiffiusumik ataatsimiinnerup ataatsimiititaliap aammalu Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisup akornanni naalackersuinnermut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqquutit siuliani allassimasut pillugit allakkiamik kalaallisut danskisullu pissarsitinneqarnisani ataatsimiititaliap kissaatigaa. Allakkiap kingusinnerpaamik ilisimatitsiffiusumik ataatsimiinnerup kinguninngua uunga nassiunneqarnissaa qinnutigineqarpoq: [olech@ina.ala.gl-imut](mailto:olech@ina.ala.gl-imut). Allakkiaq ilisimatitsiffiusumik ataatsimiinnermi nassarneqarpat atorneqarpallu taassuma nuutinnera ilisimatitsiffiusumik ataatsimiinnerup aallartinnerani ataatsimiititaliap oqalutnaanut tunniuteqquneqarpoq.

Inussiarnersumik inuulluaqqusillunga

A handwritten signature in blue ink, reading "Anders Olsen". The signature is written in a cursive style with a large initial 'A'.

Anders Olsen

Inatsisinut Ataatsimiitaliami siulittaasoq